

E MAFAI O AUMAI NE KOUTOU PITOLO NATI KI AUSITALIA?

Se takitakiga mo te PALM sikimi i ana tino galue

E mafai o aumai ne koe ki se aofaki 10kg o pitolo nati ki Ausitalia i au kope totino. Kafai koe e nofo i Ausitalia manafai ko fakafou tou nofo, e mafai ne tou kaiga o lafo mai kia koe se aofaki e 10kg pitolo nati i loto i te meli. E ui ei, e tapu te fakatau ki tua pitolo nati.



Te fakatau ki tua o pitolo nati e tapu i te tulafono kae mafai koe o togi sene tau sala io me pei ki te falepuipui.

Fakaaoga o pitolo nati i Ausitalia

Tino galue i te PALM sikimi e mafai fakaaoga, fetufaaki, io me kai a pitolo nati i Ausitalia kae se mafai ne koe o fakatau ki tua.

Te tino fakagalue o koe e mafai o se talia ne ia koe ke fakaaoga pitolo nati kae galue koe. Te pogai tonu loa ona me i pitolo nati e mafai o pokotia ei te mafai o galue fakalei koe i tau galuega. E mafai o fakaaoga ne koe i taimi i tua o galuega.

Te popoki manafai e kai pitolo nati e mafai o fakamasei ne ia te laukele o koga galue io me ko koga nofo. E tau fakaaoga ne koe se koniteina o poki ki ei o fakafoliki te fakamasei. Kafai e fakaaoga se koniteina, e fautua matou ke pei ki se tulumu kaiga mana oti ne fakaaoga ne koe, io me fulu fakalei mai mua e toe fakaaoga.

Ou taugasoa mo ou kaiga e mafai o lafo mai ne pitolo nati i te meli kia koe kae nofo koe i Ausitalia i se aofaki mai lalo o te 10kg, kae tau o fai fakalei ke matea kae tau foki o isi se pepa faka maonia ki te ola lei o lakau e matea i tulaga fakatau i te lalolagi. Nisi fakamatalaga o tulafono konei e mafai o maua i sua itulau.

Pasefika mo ana fakatapuapuga

Nisi malo i te Pasefika mo kamupane olo malaga i te ea, e aofia ei Solomona mo Papua Niu Kini, e isi loa ne lotou fakatapuapuga ki fakaaogaga o pitolo nati mo te avega ki tua o olotou fenua.

Asi mo te matagaluega o Leipa Mo Te Avega o mea me nea tulafono i tou atufenua.

Pokotiaga o te ola lei

E taua ke iloa ne koe me nea pokotiaga o pitolo nati ki tou ola lei. Pokotiaga o toetoe io me i se taimi loa o tou ola lei ne faka mafua ne te pitolo nati e aofia iei:

- ka fanaka te taa o te fatu, toto maluga, tauta mo te vela o te foitino
- ka kese a lanu o nifo mo kalenifo
- te alisa o te gutu mo masaki o kalenifo
- kenisa o te gutu (maise i laugutu, gutu, mo te alelo).

Kafai e aumai ne koe pitolo nati manafai koe e vau ki Ausitalia, e tau mo koe:



1. Tau ke maua sau pepa o fakamaonia tulaga ki te ola lei o lakau e matea i tulaga fakatau i te lalolagi mai tou malo mai mua koe e faimalaga

- E tau o aofia iei fakamatalaga mo fakaasiga e manakogina i koga asi tulaga o mea ola kola e aumai ki te atufenua mo ana fakanofonofoga. Fakanofonofoga konei e mafai o maua manafai e tautali a fakamatalaga i te 'Nisi Fakamatalaga' sekisini mai lalo.



2. Ave se silia atu mo te 10kg (i te tino tokotasi)

- Ke mautinoa me e ufi ki paketi kola e mafai o matea mai tua.
- Kafai e silia atu mo te 10kg, ka kave ke suksesuke i tua atu o te fale ololo malaga. E mafai koe o togi i se sala ona ko tulaga tenei, e mafai i ne aso io me ne vaiaso e mafai ei o fakafoki atu kia koe.



3. Fakafonu fakalei a tau pepa pasese kae aofia iei:

- E isi ne au pitolo nati ia koe, i loto i tau peeki tauave io me ko au peeki kola e asi ki loto.
- Nisi lakau pela mo (lime io me ko te korokua) e isi ia koe.
- E tau o tali katoa ne koe a fesili ka sili atu kia koe mai tino o te kasitamu io me ko latou e asi i mea ola i se tulaga fakamaoni kae sao.



4. Te oko mai ki Ausitalia

- E tau o fakaasi au pitolo nati, mo te pepa o fakamaonia tulaga ki te ola lei o lakau e matea i tulaga fakatau i te lalolagi mo tau pepa pasese o te oko ki te fenua ki ofisa asi o mea ola e aumai ki loto i te atufenua.
- Au pitolo nati e mafai ke asi ne te ofisa kola e asi mea ola e aumai ki loto i te atufenua.
- Kafai tau pitolo nati e nofo loa i loto i te aofaki tau, e isi foki ne pepa fakamaonia, kae seai ne manu foliki, e fakafoki atu kia koe.

Mo nisi fakamatalaga

Kafai e isi ne au fesili e uiga mo te aumai io me ko te fakaaogaga o pitolo nati kae nofo i Ausitalia, e mafai o maua ne koe a fakamatalaga kona i koga konei:

- Te Malo Ausitalia i Vaega o Meaola e aumai ki loto i te atufenua mo Fakanofonofoga mo Pitolo Nati, BICON: www.bit.ly/import-conditions-betelnut
- Te fenua e kave ne ia Leipa te Kavega luniti: www.palmscheme.gov.au/countries
- Te ofisa fakapatino o te atufenua io me ko te tino galue o te leipa i Ausitalia: www.palmscheme.gov.au/contact

BICON

